



FOLKETINGET

Døgninstitutionen Angerlarsimaffik Ivaneq i Nuuk, Grønland
Departementet for Børn og Unge ian@nanog.gl
Departementet for Sociale Anliggender, Familier, Arbejdsmarked og
Indenrigsanliggender (Tilsynsenheden) ISN@nanog.gl

Pineqartoq: Kalaallit Nunaanni Nuummi ulloq unnuarlu angerlarsimaffimmut Ivaneq-mut ulloq 8. september 2023, ilisimatitsereerluni nakkutilliilluni alakkaanerup kingorna ukiup ataatsip qaangiunnerani malitseqartitsineq

30. oktober 2024

§ 71-tilsynet
Charlotte Avnsted-
Vilman
Udvalgssekretær
Charlotte.avnsted-
vilman@ft.dk
+45 3337 3648

Folketinget
Christiansborg
1240 København K
3337 5500
ft@ft.dk
www.ft.dk

Folketingip § 71 naapertorlugu nakkutilliisussaamera aallaavigalugu, allaffisornikkut inuit nammineersinnaajunnaartitaasimasut, matumani ilaallutik ilaatigut meeqqat inuusuttullu pinngitsaallugit najugaqarfimmiinneqartut.

§ 71 naapertorlugu nakkutilliinerup suliassaasa ilagaat allaffisornikkut inuit nammineersinnaajunnaartitaasimasut atugarisaat pillugit saaffiginnissutit tigussallugit suliarissallugillu, saaffiginnissutit inuttaanit namminernit, ilaqa-taasunit, inunnilluunniit allanit, allaffisornikkut inummik nammineersinnaajunnaartitaasumasumut attaveqartunit.

§ 71 naapertorlugu nakkutilliinermi aamma nakkutilliilluni alakkaasoqartarpoq allaffisornikkut inuit nammineersinnaajunnaartitaasimasut atugaat takujumallugit, matumani ilaallutik assersuutigalugu pinngitsaaliissutinik atuinerit, illuutitigut atugassaritaasut aamma katsorsaariaatsit.

§ 71 naapertorlugu nakkutilliineq siumut nalunaaruteqaqqaarluni pisimavoq, ulloq unnuarlu angerlarsimaffimmut Angerlarsimaffik Ivaneq-mut Nuummiittumut, ulloq 8. september 2023.

§ 71 naapertorlugu nakkutilliilluni alakkaaneq tunngavigalugu inussiarnersumik qinnuigissavatsigit apeqqutit uku akissuteqarfigeqqullugit:

- Meeqqanut, angajoqqaavi assersuutigalugu Danmarkimi najugaqartunut pissutsit iluarsineqarpat, angajoqqaaminnut attaveqartuarnissaat eqqarsaatigalugu?
- Suli misigisaqartarpisi, meeqqanik inuusuttunillu inissiisoqartarneranik, taamaallaat angajoqqaat inigisaminnik annaasaqarsimanerat pissutigalugu?
- Misigisarpisiuk meeqqat inuusuttullu tarnip pissusaatigut misissorneqarnissaat suli ajornartorsutaasoq?
- 8. september 2023 nakkutilliilluni alakkaasoqarnerata kingorna meeqqanut inuusuttunullu qasseriarluni pissaanermik atuisoqarpa?



Angerlarsimaffimmi annertuumik allanngortoqarsimappat, qinnuigineqarpusi nassuiaammik allanngortitsinernullu pissutaasunik oqaaseqaatinik nassiusseqqullusi.

Paasissutissat nassiunneqarsinnaapput allakkerisarfikkut, mail-ikkut 71-tilsynet@ft.dk imaluunniit § 71 naapertorlugu nakkutilliiviup nittartagaani imersugassaq uaniittoq atorlugu link:

<https://www.ft.dk/da/udvalg/udvalgene/%C2%A771/kontakt>.

Paasissutissat § 71 naapertorlugu nakkutilliivimmut nassiunneqarumasut isertuussassanik imaqarpata paasissutissat isumannaatsumik nassiunneqarsinnaapput uunga folketinget@ft.dk "Att.: §71-tilsynet" allallugu.

Ileqqorissaarnissaq pissutigalugu ilisimatitsissutigissavara, akissuteqaatersi Folketingip nittartagaani tamanut saqqummiunneqarumaarmat, paasissutissat isertuunneqartussat minillugit.

Neriuppunga saaffiginnissuterput akissuteqarfigisinnaajumaarissi
kingusinnerpaamik 2. december 2024.

Qulaani pineqartut pillugit apeqqutissaqarussi, soorunami tikilluaqquneqarpusi § 71 naapertorlugu nakkutilliineq pillugu ataatsimiititaliap allattaa Charlotte Avnsted-Vilmann-nut attaveqassallusi oqarasuaat nr. +45 3337 3648 imaluunniit e-mail: charlotte.avnsted-vilman@ft.dk.

Inussiarnersumik inuulluarit

Peter Juel-Jensen
Siulittaasoq